

梅月堂集

六

Opportunity

梅月堂詩集卷之十

遊關東錄

故城

牢落空城在摧頽問幾年已經麗歲月猶帶舊
山川老樹寒鵬號枯藤野鹿眠興亡棋一局成
敗不須憐

禮指空像有感

遠渡流沙域來從萬里天天王言不契麗主夙
無緣禪話翻華夏奇形慣竺乾拈香琢曲永古
篆吐清烟

禪燈

一點孤燈炯登床杜口時機鋒似林
臨濟奧契希夷始覺浮生幻多慚宿
業癡禪心與禪大相照幾人知

梵筌

八萬里程多少難五天何日到三韓
字非蒼篆終誰解紙異烏絲未易看
寶匣似霑葱嶺霧曇章應濕耨池瀾
不逢重譯無人講只藝名香頂戴觀

月夜遊中庭

夜靜無塵累
清空月正圓
了無人我迹
多見性
相寬法海波
初定禪關夢
已闌箇中真
意味誰
與話團藥

閑意

煖日烘窓紙
烏床釋硯冰
煎茶邀好客
說偈逐
禪僧出定看
新雪經行擔
小藤自從逃
世網生
事轉騰騰

坐禪

坐禪緣底事
掃却世紛
厖得意從誰
問同行正
少雙嗟余繫
一域恨不歷
千邦定罷行
松下寒

溪洒石砭

松林寺

松都

蕭洒松林寺僧閑客到稀
鳥啼春寂寂花落雨霏霏
地僻人窳少垣頽竹木圍
夕陽山色翠清影映朱扉

渡臨津

汀洲芳草正萋萋
鳧泛春波自在啼
柔櫓一聲鷺起去
夕陽猶在海門西

登臨津岸亭

柳岸江亭小
登臨清興多
波聲自灩灩
人影正

婆娑磯淺魚吹荇汀遙鴈弄沙夕陽何處笛吹
斷碧雲窠

盆浦僧舍

漢京

寺在寒波上朱門映水濱一聲漁笛遠千里暮
江春香火僧年老招提佛宇新江湖雖信美野
鳥性難馴
一江烟雨暗漁村滿浦腥風接海門何處釣船
猶未到半篙春水沒潮痕

歸帆

江口涼生正晚霞蒲帆个个飽風輕故鄉歸去
梨花趁一簣春酤細有聲

宿抱川人家

飄然一錫向楓嶠縹緲雲山入眼遙遣興且無
沽美酒愛吟時復度良宵孤燈窗外聞征鴈矮
屋籬邊看野燒鄰犬狺狺吠花下客心清悄政
無聊

暮投永平縣

小邑週遭圍四山短亭枯樹倚雲間暮烟展盡
峯千疊野水浸衫月半環人世極知身老大林

泉何處不安閑明朝更入桃源路勝景由來地
不慳金化路傍樓上小憇山重水疊路縈迴似入桃源洞裏來小雨新晴
搖麥浪野花初拆引蜂媒仲宣樓上那無賦潘
閬驢中正可哈從此遊觀好風景看花登盡幾
崔嵬

長安寺

松檜陰中古道場我來剝啄叩禪房老僧入定
白雲鎖野鶴移棲清韻長曉日升時金殿耀茶

烟颺處蟄龍翔自從遊歷清閑境榮辱到頭渾
兩忘

表訓寺夜吟

玲瓏樓閣壓清溪巢鶴枝邊月影低半夜蜀禽
呼破夢聲聲只在老槐西

正陽寺

伽藍高且敞萬木運天長僧有支遠徒境乃菩
提場我來坐方丈峯巒儼而爽玉立百層筍朝
輝何晃朗烟嵐向澄霽詭怪難可狀或如僧遶
旋或如仙揖讓朝霞鮮且潔暮靄翠且深炫燿

莫可窮令人清塵襟禪老峻機緣小欄倚終日
話以本色談雜以玄妙說日暮不能返清磬出
禪室

看壁畫

古殿靜且嚴古壁丹青好蘇公菩薩閣吳子傳
神草依倚聽說法彷彿唱三寶何幸遊名山得
參真妙道藝香普歸依願早脫塵惱

真歇臺

真歇可真歇塵蹤淨如掃千峯俯可掇百川流
浩浩山鳥語青嵐令人心境灝長松蘚紋剥下

有皤皤老相對談無生雅妙多天藻
搖談塵是松敷座甕是草蕩我平生
懷造我十年道和南各分去小徑寒
烟葆

百川洞

百川奔一洞駛注松杉下初疑銀河
分復見明珠洒列壑何杳冥峯巒走
萬馬桂樹復連蜷幽巖何甜間多有
神仙迹了無塵凡蹤日晚憺忘歸烟
暝山龍從

萬瀑洞

萬瀑飛空漱玉花兩岸薜蘿相騰拏
明珠萬斛

天不慳散此雲錦屏風間快笑仰看雙石碁一
洗十年紅塵蹤

圓通菴

禪境何瀟洒居僧只二三烟光吹不散灝氣冷
相涵地僻乾坤小心清夢寐甘掛筇留一宿松
月助禪談

真佛菴

以石名真佛菴中住老禪路回千嶂下人傍五
雲邊水石心無累烟霞景自妍行童煮山茗貯
月汲寒泉

寶德窟

銅瓦生衣銅柱高簷鈴風鐸響嘈嘈寶山巖窟
幾尺聳銀海波濤終夜蹕鐵鎖掛空搖嚶嚶雲
梯緣壁動騷騷焚香一禮心無襍疑是仙宮駕
六鼇

倚闌遙望意慄慄瞻禮真容豎髮毛境與靈臺
多不俗山同寶窟又重高虹垂萬瀑雷聲壯鶴
去三天翅影豪白石青松相映處依稀洞府有
仙曹

悅巖

緬想當年洗寶巾圓融麗質正離塵戲斟天上
銀河水接引雲間白業人陝府曾留金鎖骨楓
城今現紫磨身爍迦大願應無盡千古芳蹤淨
不埋

望高臺

歡甚忘疲上峭峯高低列岳聳層穹奇形禹鼎
初移後恠狀溫犀一燭中獅子何年將奮迅俊
鷹當日欲浮空攀蘿若不凌雲頂那識楓嶠氣
勢雄

萬景臺

攀危更上最高臺無限奇峯眼底開萬瀑洞中
珠歷落百川崖底玉摧頽火龍似向層空舞玄
鶴應從寶窟回人世難逢如此境傍人且莫苦
相催

圓寂菴

山中最深處妙境可圖看松絡垂千尺山雲在
半間地偏無俗客澗冽有飛湍坐久心如水烟
霞襯碧巖

國望峯

峯高草木被風謾連蟠施蔓亂似盤未見初聞

稱國望纔登遙覽竦入觀茫茫渤海盈於枕渺
渺山河大似彈始信尼丘天下小西江盡吸亦
非難

開心瀑

一道銀河落九天和雲漱月檜松邊夜深最愛
山中靜晴雨洒空人未眠

萬回菴

精舍傍烟蘿重構歲月深小亭松蓋偃短砌蘚
花侵竹木埋幽徑風泉繞遠林我來留半日清
境稱吾心

松蘿菴

松蘿烟壑老精舍政荒涼杜宇啼庭樹清香鎖
寶房緬思懷正事因憶解明方吊古如雲鳥禪
窓夜更長

無盡燈

一燈化百千千燈即一燈重重互相映如帝珠
相仍可比佛法海彼彼相交承我然一明燭誓
願燈舍弘願照無盡界普供無盡乘

施物碑

樹碑立功德古人今底歸陰廊蝸作篆古碣蘚

成衣往事模空去流年捉影飛居然成一夢陳
迹政依依

香茅

茅草細鬚香深帶露芽春前猶帶穗暖後細
飄花藉用看羲易筭見楚些我將為炷獻傳
信覺皇家

巢鶴

蒼崖栖鶴處松老一枝歌蕙帳空時怨芝田秀
處嬉千年華表態萬里碧空思月露聲尤警冲
天骨格奇

聞鶴

萬里無雲山月明一聲嘹唳動人情
沙明水碧三清洞幾度乘風上玉京

咏四禽言

山中有四禽警於朝暮足以感人因以
警世

為誰趨利

為誰趨名利奔馳紫陌中風塵惹人面榮辱怨
天公滿目悲生事臨歧泣路窮不如唾謝去高
計桂花叢

亦莫把空

亦莫把空坐縑衣誤一身人間滅道理世上叛
君親胸礙三生事頭蒙百尺塵不如為俗子例
作一窮民

不如歸

不如歸去好何處可安歸宦路風濤惡侯門知
識稀為人長戚戚吊影正依依莫若甘吾分林
泉不履機

悲悲

悲悲當世事欲說更潸然百歲為他使長年被

累牽不知安是分底處樂吾天試語伊誰采
嚙悲繞樹顛

聞青鼠聲

月白靜無譁但聞青鼠聲緣枝何唧唧
趨樹轉營營聽爾驚殘夢憐渠歎一聲
空山同飲啄與汝得無情

復登斷髮嶺

嶺頭回首望白玉幾千層慶遇無塵界
歡心不自勝溪光明澹澹山氣矗稜稜
我欲叅方了重來又一登

渡菩提津

江水今無恙清光雨後多秋風漾微綠晚氣蘸
寒波舟似晴空點山如碧海螺興來閑俛仰聊
復一長歌

寶蓋山

寶蓋山容碧東州秋色多年光急似箭人事薄
於羅古壑烟嵐靜長途歲月賒飄飄緣底事到
處即為家

石臺菴

攀蘿捫壁上雲梯菴古庭松一鶴棲林下磬聲

風外切西峯殘照落寒溪

深源寺

古木千章下岑峯有梵宮
鳥啼庭樹靜齋罷客
廊空高岫夕陽薄小溪
楓葉紅行行皆勝地何
必哭途窮

渡大灘

渡口波清淺臨流可數魚
江山初霽後風月九
秋餘葦岸漁舟穩山城
古木踈前程何處是桑
柘暗村墟

大田途中

日暮人稀飢鶻鳴途中秋思正崢嶸何當一上
逍遙頂快得逍遙不世情

行宮址

烟埋野草草埋墟曾是

先王駐彩輿龍去

鼎湖雲已變紫藤枯樹謾相擎

逍遙寺

路入寒溪洞千峯落照明四山皆翠律一澗正
清泠殿有金銀像僧多雲水情
上王曾駐輦
輦徑廢少人行

門前飛瀑

一道寒泉落遠峯對門常噴玉玲瓏
龍駕
不回雲寂寞水聲牽恨和踈鐘

紺岳晴雲

紺岳之山高插天縹緲洞壑浮雲烟千章喬木
蔭神廟一道飛瀑垂龍淵但聽踈鐘搖翠壁不
見老鶴巢層巔空濛似畫聚復散等閑作雨陽
臺前

道峯尖岫

峯勢嵯牙如劒鉅瘦藤老栢凌風霜幡幢杳
列梵刹雷電閃爍摩青蒼湛湛霜楓惱客眼霏

霏巖溜漱人腸望中不盡眉宇寒木落天高回
鴈行

三角祥烟

三峯高聳祐吾邦祥烟覆頂垂如幢列刹相望
映金碧滴翠濃抹浮軒窓惟嶽降神生甫申彼
蒼垂象臨鴻尾護我龍圖千萬世鬱葱佳氣衝
天杠

水落殘照

一點二點落霞外三個四個孤鶩歸峯高刺見
半山影水落欲露青苔磯去鴈低回不能度寒

鴉欲棲還驚飛天涯極目意何限
歛紅倒景搖晴暉

檜巖寺

古松藤蔓暗相連一徑深深入洞天
佛殿尚留三世火法門今絕五宗禪
崢嶸樓閣雲為鎖牢落庭除草作氍
毹勝境宛如那爛寺恨無人道祖
燈傳

題東別室

扶疎庭樹有鳴禽蒼翠烟嵐禪境深
浙瀝泉聲漱井口參差松影落階心
香生銅鑪消清晝風

擺金鈴響晚陰自是禪家多雅趣十年曾是助
閑吟

指空衣鉢

流沙萬里入雷淵
葱嶺千峯冷倚天
鉢袋已沾安石霧
緇衣曾惹蜀賓烟
辛勤萬里慈悲大
撈攬羣生性相圓
膜拜莫將容易看
西乾百八舊青氊

懶翁衣鉢

燕代雲遊禮指空
浙西提印又來東
為人吐氣禪林將
對御談玄法海雄
天寶霧埋松慘淡
驪

江水闊月朦朧空餘衣鉢今猶在千古巍巍鎮梵宮

看圓覺經

淨几明窓兩函經一條香線一銅瓶空中不覺
天花墜庭下似曾山鬼聽二十五輪觀已定百
千萬劫夢初醒那如拋去筌蹄法句外承當直
下惺

謝海師講經以水晶數珠為答

老師琢我明珠顆我報玲瓏淡水晶个个自有
清淨態試投泥滓亦分明

枉心驛

空館近東郊春風拂柳梢
烟迷桑柘暗路遠水雲交
草色村橋晚鷄聲野店茅
五峯今日去松寺鶴同巢

渡迷峽

渡迷之水青於苔關東道路何遼哉
橫擔柳標不顧人清江影裏空徘徊
江水江花眼底迷兩兩白鷗同浮杯
我曹自是淡宕人爲家萬里心恢恢
杖藜扶我峽中走放歌大笑空翹首
不願簪笏絆身不前不願芳聲耀身後
直將消底破芒

輾長願掛名匡廬阜春雲如絮春風起飄飄兩
袂渡江水時見一隻白鳥飛相鳴遲我清江止
渡龍津

澄江淼淼碧潭沱中有白鷗閑似我出沒清波
無个心慣聽渡口流桡咬咬嘎嘎兩兩鳴恍
然逐我凌風舸篙工赤憎擘柳風耳掩毛冠纓
下驪浩然中流發棹歌江上春花何婀娜自從
遺世西復東胸中氣槩多磊砢畢竟底物為保
伍江外碧峯千萬朶

月溪峽

東風峽路惡，小雨落梨花。
江上山如戟，巖邊樹似牙。
人家依淥水，馬跡印晴沙。
棧道何時盡，蒼峯日政斜。

龍門山

龍門山色碧稜稜，寺在寒烟第幾層。
老鶴獨棲松嶺月，清泉閑澆虎溪藤。
鐘聲老杜曾深省，波影神魚已上騰。
我欲駕風凌絕頂，白雲堆裏費青滕。

上院寺

古殿香烟合三門，獸鑰開庭空喧鳥。
崔巖老觀

莓苔琪樹日應長
蟠桃春自開
淡然無外累
雅境似天台

竹長菴

高低石徑斜
岑寂有僧家
晚日照高樹
東風吹
野花溪流明
似練
藤蔓曲如蛇
叅禮名山
遍道
遙即我家

龍門寺

杜老招提境
桃花浪躍時
寶房香霧鎖
山室磬
聲遲
石逕苔踪滑
巖泉蘿蔓垂
我
日翠蓋
屈于茲
王潜邱

神勒寺

梵宮松檜暗藤蘿門外滄洲聽棹歌
巢鶴枝邊山月白蟄龍巖畔渚雲多
蒲牢遠渡青楓岸金刹遙看白鳥波
薄暮倚欄回首望晚風搖落綠蘋花

驪江贈漁父

驪江之水清且漣澄淨無波涵碧天
遙遙遠浦暮靄橫漁歌聲入寒江烟
寒江烟淡遠山紫日暮漣漣碧鱗起
蒨笠蓑衣把釣竿貌古言咤儼兩耳
朝代興亡兩不知一竿明月蒼波裏
小渚

茫茫蒲荇長楊柳磯中釣鱸鯉機心已息侶魚
蝦噉噉灩灩江之水江水滔滔入海門俯仰堪
輿如一指烟波釣徒可與言世上功名徒爾爾

宿桐花寺

原州

桐花之山高插天桐花古寺浮雲烟山中老僧
自有趣卧看白雲生翠巔怡怡春日煖可人山
杏吐萼梅始仁澗底芥芽嫩如絲采采行厨蔬
盤新遨遊萬里秋復春野鳥啼處山花嘖東望
青峯倚碧天嵐光滴翠空嶙峋世間萬事屬春
夢我向五臺尋隱淪仰天大笑浩然去我輩豈

是虫臂人

原州途中

春風一錫向關東路入原州烟樹中公館人稀

車馬少長亭雨過海棠紅十年道路雙鞋盡萬

里乾坤一橐空詩思客情俱攬我况聞山鳥語

花叢

雄岳山

雄岳崢嶸聳碧空烟霞明滅有無中一泓春水

莓苔滑千丈蒼崖躑躅紅路轉層峯殘雪在巖

迴石棧晚雲濃青山處處行應好脚力有窮山

不窮

宿覺林寺

自笑清寒謝塵迹
年來自看山瘳際
西千里
曾飛箬各向關東曳
雙屐覺林自是古
招提松
檜陰中聳樓閣玉
筍巍哉插高鍾
珠簾浙瀝搖
雲窻丈夫未死愛
速遊豈肯兀坐如
枯椿且窮
勝景作平生其氣
率律何由降

芳林驛

古驛深山裏
蕭條有草亭
薺花生麥壠
莎草擁
苔庭嫩綠澄
波淨堆青
列岫暝為尋
雲水窟佳

景妙難形

大和驛

客路多迢遞蒼峯愁殺人斷橋常柳暗古道野
花頻瓶錫千山裏江湖一隻身白雲閑適態曾
是舊雷陳

珍阜驛

去去春山裏春山花正濃一瓶擎一鉢瘦影荷
瘦筇人家烟渺渺驛路草茸茸何處堪真隱碧
峯千萬重

省原

燒痕芳草綠初均，無數名山眼底新。
古木蒼藤尋羽客，落花流水問秦人。
溪邊黑壤生紅木，澗底青泥迸紫蓴。
未到山中先滿意，五峯烟抹聳嶙峋。

月精寺

古殿香銷春晝長，重重花影在東廊。
上方松偃僧來寺，禪室客稀雲度牆。
珠網玲瓏裝寶樹，天花縹緲落猊床。
仙山迥與人寰隔，願學青囊殯玉方。

百丈砮崖水又洄桃花怒浪激如雷滿山躑躅
紅於燒正是禹門魚曝腮

上院寺

亂山疊疊水洄洄中有祇園紺宇開天淨瑞雲
騰輝赫地靈嘉草孕胚胎香煤斑剝薰金殿泉
液淋漓釀紫苔最愛橋樓明月夜數層峯裏杜
鵑哀

中臺

虛閣玲瓏鎖紫烟庭花爛熳草芊綿優曇瑞萼
敷三界無頂祥光射九天風過焦桐聞梵語雲

低金甕降真仙磬聲遙與松聲合宣說如來不二禪

西臺

廣長舌相本非身金色如來假也真山色蘇仙
曾有偈松柯韋偃已傳神于筒淨水消如玉瑞
應香花大似輪髻衆峯雲影裏天姝衣被供
清晨

南臺

麒麟峯色碧摩天菩薩巍巍頂相圓歷歷金鉈
搖月下飄飄毳服颺雲邊花敷蓮界香成雨雲

布金沙福有田今夕喜參弘願海一龕燈下坐
觀禪

東臺

雙竹叢邊大士身元來不住寶陀山悲心長救
微塵累願力幾回生死關兩臉丹如霞半點雙
眉曲似月初彎圓通門戶何曾閉只在輪誠一
念間

北臺

象王山色倚天端繚曲幽深氣鬱盤麟部獨棲
雲片片羊車單駕月團團石床平處苔花點巖

溜飛時瓊屑寒人世幾回風浪惡不如來占一
層巒

大嶺

此嶺以東稱嶺
以西稱嶺西

大嶺雲初捲危巔雪未消羊腸山路險鳥道驛
程遙老樹圍神廟晴烟接海嶠登高堪作賦風
景使人撩

丘山驛

驛亭依小巘花木更清幽麥壠將雛雉桑巔逐
婦鳩年光隨處好歲月苦奔流耐可從仙侶看
窮海上洲

弘濟院樓登眺

江陵

十里鶯花古院深
倚樓終日費清吟
煙生遠浦回漁艇
風定晴波浴水禽
草色蒙茸侵巷陌
柳條腰裊壓庭陰
幾家茅舍渾如畫
都在青烟翠竹林

江陵

鷄犬連鰲市
桑麻接海門
腥風吹晚浦
漁艇返花村

啖竹筍

生長京都又北遊
初看新笋迸貓頭
披烟曉折

連根脆帶露宵抽抱籜柔却喜今朝采玉版還
愁明日化青蚪不妨嶺表長為客飽飲琅玕一
味羞

文殊堂

寺在東溟碧浪涯野棠花裏鳥喈喈白沙翠竹
寒相送青海黃茅風正飄古佛有靈能善幻居
僧無事坐清齋禪宮亦似人寰變古砌草荒雲
半埋

白沙汀

依依烟樹似雲屯沙軟風輕十里原島影正同

雲影杳松濤長伴海濤喧
烟開鯨口波聲壯日
射鼇頭曉色暎汀畔
白鷗閑似我忘機相對弄
春暄

寒松亭

海風吹斷浪滔天松作雲
和意外絃敗砌草埋
狐兔過野棠花落鷓鴣眠
神仙舊迹桑田變塵
世浮生甲子遷獨上高亭
回首望蓬萊島在五
雲邊

鏡浦臺

萬里扶桑望眼賒
蒼波淼淼蘸朝霞
秦皇謾愛

三山藥漢使空浮八月槎
白浪滔天鼇背抃紅雲
插地蜃樓斜從今陡覺
仙遊壯杯視東溟碧
海涯

青鳥

青鳥來鳴遶竹叢一封書到白銀宮
丹成羽客朝天帝芝秀飛瓊駕綵虹
寰外十洲渠已見人間萬變屬虛空
歸時煩語西王母幾却揚塵碧海中

鯨戲

皦皦日出扶桑埃紫氣散空成錦綺
雲收霧捲

景澄霽碧波森森千萬里長鯨駕浪舞滄海一
吸已盡東溟水俄然振鬣駛浪頽白虹貫空聲
如雷夷猶恍惚渺莫狀紫鳳奮翮相轟騰白也
騎背甫聞訊搜奇摘恠游蓬萊我欲虹竿明月
鉤千牂作餌殲其魁博施四海充朝饗快我一
生豪縱胸鳴李志大已渡落孤爾獨立噴吭峯

日出

君不見見桃都之山金鷄鳴煌煌暘谷飛耀靈大
如車蓋浴滄波蒼蒼涼涼麗東溟東溟之底蟄
龍吟汨汨潏潏天晦冥羲和御轡殿不昇欲上

未上清氛騰跋烏天矯奮兩翅半空颺彩何凌
嶒扶桑條遠紫霞蒸左界閃爍推紅輪人間光
景駒隙耳韶華未盡雙眉斂欲繫長繩繫其轂
萬八千歲為一春願令四海羣億兆壽等大椿
無殤夭歌竟流霞充我勝華生五臟滄溟小

尾闕

大地茫茫依如何地下八柱相交加空洞無底
又無垠大塊斡運無有涯天壤之間水居多
川衮衮無停波我昔天遊大方家裨海外有大
瀛海瀛海洋洋渺無渙但見日夜流浼浼浴日

滄星涵大陰，包括奧區其器大。不盈不竭泄尾
閭，奔流瀕洞聲磕磕。四萬里間沃焦壑，赤縣神
州浮一葉。固知觀海難為水，井蛙聞之已驚懾。
安得置之輪囷膽，消盡人間愁萬斛。

鮫室

世人徒見五岳雄，巍峩巖業方輿中。不知海底
有高峯，嶙嶸嵌巖沈空濛。洞壑窅窅石竇深，中
有壯麗鮫人宮。螺貝蟪珠相陸離，眩目不辨青
與紅。珊瑚交柯蔭階庭，琅玕碧實垂簷櫺。洞房
幽邃戶半扃，但見機杼聲玲瓏。織成冰綃萬丈

長裁為玉皇白霓裳霓裳裁了剪刀寒水晶簾
外飛寒霜閑拈一幅賣人間為掃人間煩熱忙
臨別彷徨泣珠去碧海無際天茫茫

蜃樓

君不見蓬山之側屹嶸山相粘百千光爛編中
有車螯大如盤懷珠深隱巉巖間吐氣葍惹成
樓臺凌晨翠律紅雲端倏忽變化渺難狀青紅
相雜形闌珊或如阿房複道橫高仞殿閣施珠
欄又如玉京十二樓天妃舞袖低盤桓五鳳齊
雲邈以遠望春結綺埋荒草是何神物啣機捷

架出千層聳清昊不是鼇背蓬萊宮便是青霄
水晶闕須臾散盡不見蹤但看海上新浴日

天琛

君不見今夫海一勺水多何瀟哉及其大也渺
無渙日夕巨浪聲如雷深深之底氣滋涵百千
珍寶含胚胎鮫人一泣萬珠滴老蚌千歲孕明
月蠙螺璨璨珊瑚秀光芒相射流勃鬱驪龍貪
鄙不遭睡淵客慷慨猶飲泣波斯莫採離婁失
至寶豈可容易得已聞徑寸照連乘復道一雙
酬連城我亦當年懷瑾徒却恐闇投人或驚不

能披腹呈琅玕且藏侍價終吾生

水怪

茫茫瀛海無有涯紛紛水怪相騰拏鼓喙磨牙
怪奇奇萬狀千形何啻咭咭暉暉朝日上扶桑蜃
吐樓臺鯢作梯水族揚波奮鱗翅譎詭不待溫
然犀掉尾遊者赤鯁子蹒跚走者鼈長史六鼈
戴山舞且抃大鵬水擊三千里陽侯鼓浪火龍
游白澤文鯢齊矯頭百川倒流尾閭塞鼃鼃肩
負鯨吞舟壯哉浮天浩渺中有此得意夷猶儔
雲海空濛不可狀但見異氣浮滄洲

歎桑田

此日忽已過明日又復來遷延隔幾劫荏苒年
光催天地終有數滄海揚塵埃終然作桑田變
化無暫停所以有道者怡暢忘其形浮游六合
外保此龜椿齡欲學却老方一聽黃庭經

嘲精衛

嘗聞戮鳩山有鳥名精衛常含西嶺木填海救
炎帝苦心竭東溟發憤經幾歲豈不量其力志
大終不替雖然知爾癡百川其可防衆流常混
混日夜奔蒼茫逞爾方寸心徒使腐爾腸

聽天鷄

東海何所有蟠桃三千里枝葉相扶踈邈與扶
桑峙天雞栖其巔喔喔鳴杲日一唱衆鷄應六
合皆昭晰孜孜善惡間人事紛如髮我聽爾之
聲起舞喜跳踈功名一醯雞萬物皆一指聞汝
且自省飭身修福履

懷蟠桃

萋萋碧桃樹夭夭千歲花不待笑春風燦燦蒸
朝霞結子綴繁枝爛熟三千年漢兒謾三偷詎
語人相傳塵世苦紛紛日月又不延常懷千歲

憂汲汲長熬煎願登度索山得核栽堂前

嘲徐市

人生但百歲壽夭且在天焉能人世間盡得彭
篋年三山誰所見仙餌誰所傳柰何一匹夫欺
詐萬乘主一舸入東海漂渺無人覩三千童男
女呱呱啼且隨遂使千載下緬懷良可悲

哀秦皇

秦皇滅六國珍寶羅如幟驕心常易盈不能遜
其志東巡頌功德立石藏神祕自謂致太平不
勞持神器且以百年壽錯認延萬歲炫惑銷化

術求藥三神島阻風赭湘山為計何潦倒至今
驪山下石馬埋春草

望三山

朝登海上峯遠望三神山雲海渺空濛素濤浮
漫漫煌煌白銀宮燦燦黃金闕飄飄仙侶遊藹
藹烟霞燦瓊樹瑤花開碧桃甜如蜜世人那得
知相傳孟浪說安得奮八翼一覽窮遼闊

遊仙歌

駕鶴逍遙海上山蓬萊宮闕五雲間人寰正在
風波底百歲勞勞不自閑

朝遊聚窟暮玄洲袖裏青蛇紫氣浮試問東溟
知幾變三山水淺露蓬丘

月窟孀娥不自由桂花閑伴度春秋水晶宮裏
霓裳奏憐是雲收十二樓

一雙青鳥下雲端來報瑤臺宴未闌天上碧桃
知幾熟洞雲閑鎖禮星壇

醉呼仙女董雙成王母何時下玉京紫芝初秀
蟠桃熟風引空中打麥聲

曾隨玉女渡天河記得鈞天第一歌來播人間
應未識閑吹長笛入烟蘿

清夜遊五臺

山中夜將半寒露襲衣裳宿鳥驚殘夢流螢過
短墻烟收萬壑靜月白五峯涼何處堪真隱松
杉十里香

懶翁裝包二首

勤師入燕代跋涉千萬里飛錫渡江南長年作
行李為法不憚遠挑包江湖裏叅箇本色人痛
念生老死晝夜十二時念念無間斷所以製香
槃點檢寂寂與散水邊或林下以此長為伴遙遙
清夜長寂寂啼禽猿覩此慕古人蕩我心塵昏

右香槃

古木小禪牀僅可容倦膝伊昔江月翁腰懸向
江浙叅見平山老升堂入其室竭來海東濱高
卧山中雲掛之菴壁間用策同遊勲自從蕙帳
空拋擲誰人顧繩斷嚙於鼠脚敗侵於蠹我本
癖好古撫摩徒仰慕音響邈以遠追戀逾棠樹

右繩牀

咏狐

落日千巖畔風嗥似訴冤荒郊為美女古寺穴
頽垣善聽嫌冰陷宣威假虎尊莫言妖媚物燕

墓聽高論

初構小堂

小堂初卜築庭樹聽鳴禽已賽三生願曾參一
箇心洞雲橫疊巘山雨霽空林嘯傲無餘事南
窓日欲陰

摘蔬

菜莖立如束菜心肥如玉薄言登北嶺采采筐
筥足小鬻火初沸爛煮香豉泣飽飲大官羹那
及溪邊藪誰知白雲中自有清虛福

山中有淳老年高知法對話數日

一話松窓千古心箇中無有去來今謾將庭栢
為禪旨誰道溪聲演佛音撞倒語言方解會消
磨習氣始參尋西來直指離文字悟了何曾論
淺深

山中有如老住山已久尋訪相話

如老住山今幾年霜眉皓首坐枯禪任教松子
榻前落閑看廬齋床下眠三十年前參箇事百
千劫外透那邊遠公自愛東林月輕挈銅瓶汲
小泉

山中有田禪老言旌善亦有碧波山最好

可以棲隱

人言旌善是朱陳民樂耕耘壽域春况有碧波
山岑亂可堪棲隱養天真

渡白楊津

平昌

白楊津晚渡波淺石粼粼牧笛烟村暮漁歌秋
水濱蒹葭含白露黍稷弄黃雲寂歷山城裏砧
聲處處聞

宿平昌館

歲暮獨遠遊平昌孤館秋梧桐搖檻外蟋蟀語
床頭已歷江湖遍頻驚歲月過客懷誰與話窓

畔雨湫湫

渡馬蹄津

野渡無人風滿洲
白蘋紅蓼映漁舟
江楓湛處波光冷
籬菊開時野興幽
牧笛剩生關北恨
征鴻叫向嶺南秋
蒼崖兩岸渾如畫
十幅蒲帆入石頭

高山寺

野寺僧偏少
山深路亦窮
酸梨經雨落
甜果帶霜紅
石逕微於線
雲裝轉似蓬
身為萬里客
心逐一征鴻
嶺北飛稠錫
湖南駕列風
耽遊廣漠

野自喜臃腫躬何處堪投隱烟霞萬木中

客中望中秋月

中秋何以慰清愁一味新茶滿玉甌丹桂幾經
寒暑變冰輪應輟古今秋夜談牛渚追前事乘
興南樓憶舊遊來歲不知何處看十分流彩遍
南州

遊山家

山家秋索索梨栗落庭除秫熟堪為酒菰肥可
作蔬飢鷹號老樹羸犢啮荒墟日晚喧雞犬前
村過里胥

泛舟

水國秋風起山城歲暮時衝烟初解纜載月又
吟詩野水二三尺江楓千萬枝偶然乘興返雲
外暮鐘遲

鷹巖窟

古窟烟霞繞清江魚鼈浮鵲巢蒼蘚壁鳧浴白
蘋洲地僻人蹤罕巖高樹木樛可堪棲此地伴
麋狎羣鷗

循岸徐步

荻花楓葉亂颼颼行遍江天九月秋漠漠釣磯

眠水獺蕭蕭枯葦叫沙鷗漁歌一曲渾無腔牧
笛三聲暗帶愁此夕關東須盡看明朝雲水是
南州

遊寧越郡

寧越山川險雲烟隔嶺南峻峯連太白遠岫深
深藍崖蜜輸民稅山桑飼野蠶居人無巧詐淳
朴且癡憨

登酒泉縣樓

高樓遠望獨徘徊江鳥雙雙去又回小渚草深
迷釣艇長空風緊落庭槐吏呼遞馬聲初急客

向遥程語正催未到此鄉名已好誰家酩酊似
淋灰

逢人話別

江上逢人為小留秋風黃葉墜扁舟可堪客裏
重離客長笛聲聲正替愁

問程前村

山村梨栗熟稚子喜收園鳥雀爭枝鬧牛羊下
壠喧晚禾連巷陌秋社饒雞豚主亦儒冠者逢
人語正溫

途中

關東山已盡南國月初圓眼底峯無數腰間錢
又纏長年席不暖竟日肺生烟遊歷何時遍團
茅息萬緣

宕遊關東錄志後

我國地雖偏狹山水清麗達人君子之所景
慕者也夫子欲居九夷至有俗語中國人云
願生高麗國親見金剛山以其泉石蕭爽可
滌鄙悵之胸故也余自關西又入關東遊金
剛五臺以尋形勝山形奇詭溪色玲瓏以至
開心之飛瀑楓嶺之白石鳴淵之渟泓皆可

洗人心目而洞深樹密俗子罕到則五臺為
最又江陵東域鏡浦之臺寒松之汀乃仙者
之所曾遊嬉處也適是日雲收風止天清海
淨鏡空無際極扶桑之隅壯心目之觀以吾
身擬之正蘇子所謂寄蜉蝣於天地渺滄海
之一粟者也所恨為同伴所牽不能遨遊國
島三日浦叢石亭後日重遊必先見此以愜
余今日之懷死亦足矣所謂浮雲踪跡倏忽
西東故致然耳庚辰秋九月清寒志

梅月堂詩集卷之十

三
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

梅月堂詩集卷之十一

遊湖南錄

過清州

飄然一錫過清州
葉落孤城萬樹秋
江岸草枯眠並鴨
渚邊沙軟下羣鷗
詩情老去偏枯淡
客恨侵來剩白頭
何處嗷嗷數行鴈
拂雲隨我向南洲

暮投開泰寺

梵宇荒涼宮殿開
黃昏蝙蝠亂飛來
侵階野草逢秋老
滿砌寒花著雨摧
古鑊尚經麗歲月
斷

碑曾歷幾風雷丹青剥落銷香火須信昆明有
劫灰

謁灌燭大像

路上遙觀一笑新偉人千尺聳江濱不辭倦脚
尋山逕却欲清齋禮梵身寶髻正濃搖日影天
花初墜旋風輪奔流幻海為砥柱屹立堂堂經
幾春

懸津縣客舍遇盧文學因次其韻

思慎

浮世風波如許闊青松白石遠人間舊遊踪跡
如春夢得失多慚不出窠

柳標飄然山上去掉頭不肯留人間一菴
自有蒲團在何用芒鞋遍九寰

葆真居士

宿參禮驛

半生長以路為家萬水千山眼底賒孤館夜深
看好月小庭風過掇殘花雲收碧骨波如鏡雨
過金堤麥始芽聞道海濱秋不老澗邊綠草細
鬢髩

有仕宦於京者忽忽還鄉因以贈之

宦海波濤萬丈餘脫身歸去意何如雲迷蘆嶺

家山遠霜重珍原橘柚踈莊舄越吟忘富貴季
鷹秋思為蓴魚五更孤枕醒殘夢月在西楹命
駕車

鶯谷驛

樓鵲查查遶竹林驛亭秋暮惱人心一聲嘹唳
江邊笛何處丁東月下砧玉露正溽蛩韻切金
風初起客情深旅窓燈下清無寐時聽征鴻寄
遠音

金溝縣

秋深紅葉映金溝風動幽篁葉葉愁山色可人

供賦咏松聲入耳作筭筭十年客夢多於絮千
里行裝漾似舟數點青峯何處是楞伽遙倚海
天頭

宿金山寺

雲氣微茫洞府寬縈林絡石響鳴湍中天星斗
明金刹半夜風雷繞石壇苔蝕古幢微有字風
摧枯樹晚生寒翛然一宿招提境烟裏踈鐘韻
未闌

途中見蘭委棄於草莽哀之而作

秋風何撼撼白露凝為霜眇彼猗猗蘭委身荆

棘傍幽香清且芬綠葉秀而長竟夕獨徘徊臨
風增永傷我欲賞真趣倚操彈清商朝采紉余
佩夕飡充飢腸與我同襟期歲寒毋相忘

歸信寺壺

烟埋秋草夕陽中獨立空山思不窮壞塔已無
花雨瑞斷碑猶帶薜蘿叢幾年成敗隨流水千
古關河送去鴻世上興亡皆若此不須懷精問
未公

遊內藏山洞

烟霞一逕小山氣晚沈沈林下磬聲遠澗邊秋

色深詩情隨處好異境杳難尋白石蒼苔畔流
泉愜我心

靈隱寺

我來洗足上禪牀樓觀參差照夕陽寒碧竹梢
經小雨殷紅柿葉著新霜僧叅杜口維摩詰客
擬移文孔德璋寄語西山好風月剩將佳趣入
詩囊

宿龍窟

小洞雲煙合寒巖草樹深蕭森風竹爽斷續晚
蟬吟湖海三年客雲山一夜心上方清似水雅

合撫瑤琴

井邑縣

煙霞古縣小鷄犬四鄰喧棗柿明村徑松篁間
堉垣秋深藤葉老雨過菊花繁蕭洒行裝淡吾
生政不煩

踰蘆峴日暮

數竿紅日照羊腸風樹寒蛩號夕陽客裏情懷
三月絮路中行色十年霜煙橫小巘行人絕月
上尖峯古木蒼從此湖南探勝景剩看籬落橘
橙黃

過彌勒院

草樹暗黃昏人稀閉院門牛羊驅壠下鳥雀聚
林喧野屋依疎竹禾畦咽老蠶江山遊遍後息
慮欲忘言

與金直講話舊

二十年前學泮宮青衿濟濟道相同舊遊重話
還堪笑時事因談欲作龔千佛名經君掛籍一
爐香榻我觀空若論世諦應多俗且拂絲桐彈
古風

長城縣

秦築長城萬里餘
蒼生何事役籬籬
爭如天設關河險
海上夷酋畏簡書

丹巖驛

竹裏茅茨數十家
籬邊蘆葦長新芽
芭蕉半敗風霜裏
芋栗新肥澗谷涯
舘吏急呼催迺馬
稚蜂聚鬧報朝衙
無端拾得江湖趣
倚杖閑吟日已斜

咏百濟故事

百人濟海而來居

伊昔未有國
原隰何晦晦
丘壠暗松櫟
墳衍豐蒿萊
獸蹄鳥跡交
渺莽鴻蒙埃
百人自中國
遠

渡滄溟來以長為其酋孱者超為民鑿井又耕
伐種築開荒榛是為古百濟風俗何庖淳

甄氏起於完山

甄氏城完山意氣何豪凌朱衣何處翁托迹神
降凝革舊自鼎新握符治黎烝北接漢江濱東
至頭流陵剛強人不侮富庶心不懲侵彼斯盧
境龍虎相猜憎卒被梟鏡禍魚爛相分崩

三子囚父於金山

姦臣嗾三劒三劒真甄人欲紹癡壤精夷坦無
彝倫恃強欲自篡罔畏高高旻纍父胡神祠視

國如拾塵赭彼海岸松未足書其惡挹彼滄溟
波不盡浣其毒皇天卒降威假手扶蘇麓

甄萱來奔於高麗

厥初欲鷗張其終戰鱗翻禍自起蕭牆奔我錦
城域蹇蹇庾將軍高麗真羽翼率萱泛海投麗
王賜食邑始云王足下卒稱甄臣妾哀鳴懲我
懟聲罪整兵卒伏刃無其辭遂平百濟國

麗祖聲罪於黃山城

皇天假有命雷霆馳南陸爰業黃山下白日轟
霹靂渠魁來俛首脅從賜田爵矯矯王侍中堂

堂心不悚以彼畏上帝誅殘剔民病四境率稱
臣宛如周會盟剡却三韓窠肇基高麗正

珍原鎮山有老僧信行欲築精舍以印月
名之

山中有一老貌古真奇絕對我語入神竹枝洒
寒雪行裝政蕭洒詩軸與衣鉢自言老侵尋欲
掛金環錫樓遲泉石邊飽我一生樂陟彼山南
麓岑深最聞寂可以誅茅茨清溪且卜築煩公
請安名耀我小蝸角我時少從容揭之以印月
觀彼萬文潭風靜波光徹秋月印其底同同頗

清越觸之不可散蕩之亦不失可比老師心道
義逾激烈豁然徹本源不生亦不滅靜觀萬像
澄印我方寸地到頭竟難名名菴聊以寄他年
放下著是亦渾閑事

栽松

岩翁憐汝歲寒心栽培山門意更深庭院無人
聲可愛簷櫺飾月影堪吟會見承春沾雨露不
妨得意近床琴他年老我重來此須化龍蛇聳
百尋

有惠斑箬鞋者謝之

挑絲織履箬為趾輕涼綴密端可喜一生曾着
幾緗鞋翫水遊山苦行李不惜根斷道路艱雖
餽苴蕢謝無已况復彎彎半蟾影產出歲寒錦
棚裏犀紋粲爛爪辦精个个新若不忍履我欲
西遊海上山水石嚙足難躋攀感君惠我一雙
屨何啻贈我雙金盤白韞青滕為君補不妨躡
足登巔願因余懷永不忘死生作契如芝蘭

佳城寺羅漢堂與僧話

珍原

風靜疎簾月滿堂煎茶軟語坐筠床半庭殘雪
留人跡一樹寒梅著夜霜欲拋機心皆是妄擬

遣塵慮亦能狂世間夢想何窮盡且作新詩笑
一場

遊羅州牧謁太守

錦城花裏作春遊花底笙歌蕩客愁官路小梅
經雨折驛亭絲柳被風羞陣雲橫海時聞角珪
月當窻獨倚樓日暮湖南倍惆悵五雲西北是
神州

錦城祠

古廟空山裏春風草樹香烟雲增壯氣雷雨助
威光缶鼓祈年樂豚蹄祝歲穰老翁扶醉返白

酒漚神床

海市

地饒漁鹽利腥風接海門孤城臨浦口小艇入
潮痕竹暗懸魚市花香賣酒村人隨鴉影散雞
犬鬧黃昏

靈光郡

傍海皆城郭人家近水村竹藏蕭寺路花暗郡
齋門麥浪風前軟溪流雨後渾湖南春已遍惱
殺遠遊魂

登楞伽山

海上重峯瞰大洋登臨處處割煩腸十年錯被
風塵縛晚學修仙却老方

四聖顛

古木風烟老回巖竹木繁苔花經雨潤榭葉遇
風翻春水添蛙井峯上有
蛙井天花雨給園高峯搯
杖望清味欲無言

不思議房

有真表律師
剥皮圖像

雲梯垂百尺層底有禪房下瞰疑無地回眸却
有蒼剥皮誠不盡圖像表難忘面目尋何處空
山草木長

來蘇寺

梵宮倚山隈夕陽樓閣開僧尋泉脉去鶴避茗
烟迴寺古松千尺山深月一堆無人堪問話庭
畔獨徘徊

山犬暮吠

邊山有大道入
巖穴經年不出

信信山犬吠巖窪雲返松關日已斜狗亦有心
忘物外世人何不避喧譁

丫峯獨居

分與閑雲共一窩懶來初學服松花千山黯淡
煙如縠萬木扶疎岫似丫非愛禪師藏鬼窟豈

耽方士鍊丹砂時行時止無非道窻外遙岑一望餘

尋插槍洞禪老

北壑有禪老久懷巖窟心寂寞坐枯禪歲月深
復深我欲叩禪扃境幽難可尋上有百尺松下
有千歲葎因之揖清芬彈指去來今

葎俗作蔞

青林寺

煙鎖危峯松檜深人言曾是古青林高僧住久
言多幻泥佛經年亦剥金絕澗松聲醒俗耳碧
潭蟾影空禪心桂叢偃下誰同隱騰倚麝麝與

野禽

海堧

滄海渺無涯
潮聲連古今
魚蝦時出沒
鷗任浮沈
一葉漁舟迥
千峯落照陰
客愁和暮角
偏帶夕陽砧

望島

三山不可尋
十洲不可見
乾坤日夜浮
島嶼橫一面
暝色若可掬
波光若可挹
我欲挾東山
足躡虞淵域
我欲附大鵬
手搏天池側
浩氣難可收
長歌時一喙
已消十年釣
鼇心浪游一片青

海曲他時投老住山阿盡說壯年眼界廓

龍溪寺

杖藜遙上龍溪寺古木千章松逕深竹鎖洞房
人復靜箇中真沒去來心

其時多有詩
集今失之

川原驛樓

原平宜遠樹曖曖接人家地饒田收秫山低貢
有茶蘆峯雲黯淡楞岳岫槎牙收拾江湖景登
臨日半斜

居山驛

小驛深秋裏庭空黃葉飛土肥桑有子官冷印
生衣竹密宜棲鵲簷低穩落暉厨人供黍畢相
送掩朱扉

登古阜城

古阜城西斜日低海天無盡漾玻瓈律湖波淨
浮鷗鴈荒壘煙收動鼓鼙邊塞絕烽傳箭少廢
園無稅貢科低登臨且喜吾
王化鷄犬桑
村人醉携

扶安城樓

城樓臨海壯旭日照欄干島嶼連雲遠乾坤入

海寬干戈長載戢士卒正平安日落鳴刀斗水
風吹正寒

寓居山驛看杏花

杏花枝上有鳴鳩天外斜陽影半樓樓上玉人
橫短笛一聲吹落綠楊洲

病中

客中還有病病裏惹清愁誰訪維摩詰元非冉
伯牛巫言鬼見嘖醫道風中頭兩語俱皆錯詩
窮是我仇

元監司遣醫問病

孝然

太醫問病到云自監司來竹裏一間屋花前三
茗杯辱言還自謝投札眼重回恩波何以報粉
骨似塵埃

與高經歷留川原館

台彌

相逢談笑十年心一夕情懷直抵金京洛幾時
來遠域江湖何處費清吟天涯芳草生歸思日
暮梅花落別琴何幸此身無繫縛竹房風雨共
床衾

崔安撫使來訪居山寓舍因贈

景禮

泮宮東北舊親鄰千里南州訪一身蝸舍只今

無恙否過墻紅杏已生仁

贈鄭奭先輩

泰仁

有客屢相訪歡笑恰如舊來携太和湯已止無
明酒高談驚四筵多聞喜三友日暮更挽袖共
看月入牖

全州

甄萱舊邑是全州牢落風情萃一丘古壘夕陽
荆樹短新亭春雨麥香浮掛弓平壤心何壯拍
劍黃山意尚憂麗濟相爭何足議
龍飛堂
日大椿秋

萬景臺

萬景臺上好風煙十里平湖在眼前千古興亡
碁半局百年成敗草連天落霞孤鶩暮山外斷
雨片雲殘照邊景物自然多感慨上方鍾磬正
清圓

東亭勝會

風流佳士集東亭詩酒琴棋笑倚檣釣得錦江
三尺鯉夜深迴棹月浮汀

天王寺

香火煙銷春晝閑幾年風雨鎖禪關淒涼不見

天花落明滅時看野鶴還苔濕虛堂悲佛毀藤
盤敗壁認僧殘壞空自是緣生理莫怪梵宮頽
闌闌

錦江牋

卽全州紙

錦江春水膩魚牋閑製新詩寫數篇鉅筆一揮
雷雨動白雲堆裏活龍翻

花巖寺垂絲檜

僧傳指空所植西域栴檀
米也僧以棘圍之在高山

簇簇垂絲條榦長幾年山頂傲風霜氣含芝朮
胚仙骨皮剥龍蛟繞佛堂聳蓋豈因權勢重圍
荆多有侍從郎不妨傳語栴檀樹半夜空庭聞

瑞香

題清州慶生貧家壁

延

庭畔棗紅籬菊黃更堪相對白衣郎先生不是
全貧者芋栗滿園樽酒香
世緣日薄道根深窻外青山床上琴天末半竿
西迫日動君純孝奉親心

讀元史

朔漠江山入版圖生民何計拜夷胡渡江豈無
收長策事去陳張奈可扶

陳宜仲
張世傑

元祖初從幹難河收燕滅夏撲蠶蛾寧知淮右

天兵動逐盡胡雛第十窠

與趙進士因戲相謔

子因西原麓裏禽我今遊傲因山林相逢勝負
吾先報宋紱應來慰子心

困雖廝奴牧豎爭精研入理悟平生時窮致命
須看易遂志可終君子亨

黑白相搏道路危有言不信向安之三雖不見
其妻禍九四徐徐援有時

放鶴

鍛翮由來歲月深幾回腸斷九秋心得時汝必

稻梁誤別後我添悲嘯琴萬里雲間天路隨一聲嘹
處海山嶽從前已識鷄羣詫更向碧峯高處尋

放彩鴨

萬里湘江闊雙雙任意浮多為口腹累應唼稻
梁秋錦翼悲來瘁和聲繫後愁從今恣飛去好
向白蘋洲

獵園

霜兔迷離滿北林將軍鳴鏑駿蹄駸鶻翻勁翻
雲間沒盧帶金鈴草上尋千騎貔貅夸壯氣一

聲簫鼓整人心歸來環立傳觴醉緩奏胡笳月
下吟

討蓴

童冠能漾小扁舟討得龍鬚滑且柔菰飯香羹
方下筋季鷹今日抒清愁

菩薩寺

野寺自蕭條回雪入廊飄香火多時廢蓬藜盡
日燒細泉連竹筧踈樹偃僧寮佛舍猶成壞人
心難暮朝上入

寺庭看楸花

去歲初看葉落時
累累秋實偃柔枝
今年又見踈花藥
恰恰鶯聲又一奇

遊山城

清州

芳草襲芒屨
新晴風景涼
野花蜂嘒藥肥
蔽雨添香望
遠山河壯
登高意氣昂
莫辭終夕眺
明日是南方

登無等山

光州

藹藹山光滴翠嵐
高低石逕暗檉楠
神祠佛宇多喬木
天近星辰手可探

圭峯蘭若

瀟洒巖扃靜高臺俯渺茫雨餘添石髮風靜落
松香遠岫明如髮晴川曲似腸謁來留半餉不
忍下禪房

松廣寺

一宿曹溪興味長遠公遺跡在禪房祖燈十二
今何處依舊空庭松檜涼

松逕

松逕人稀點綠苔豐干虎跡大於杯道傍枯樹
攢如戟知是開山手自栽

王

真樂臺

松枝糾曲蔭高臺
長夏乘涼得得來
那物最堪真樂態
夕陽山色鳥低回

虎臺

獐物護高僧
妥尾不忍別
如何世上人
慕義心莫切

曹溪樓

月色溪聲滿小樓
箇中清味滌清愁
繞軒綠樹輕煙冪
隔戶青山翠靄浮
且喜身心俱獲落
自將天地一蜉蝣
夜深會得禪家趣
蟾影印潭撈攬不

十二影堂

叢竹林中古影堂蕭然風骨盡龍章琉璃焰息
香灰冷恰似瞠眉欲舉揚

南原廣寒樓上聞笛

客館蕭條車馬稀小樓高壓夕陽輝一聲長笛
人如玉恰是姮娥奏羽衣

安慎院

風樹踈蟬咽晚涼客中秋興正茫茫老從頭上
旋旋過人向塵間日日忙智異尖峯高插漢帶
方踈樹老經霜此身正似浮雲遍將向天東望

大洋

八螺峴

逶迤山路少人行枯樹斜陽動客情老豹亡曹

啼曠野霜鷹趁兔下危棚半身落日歸辰樹

東嶺

即新羅辰韓地也

一片高峯隔帶京

南原即古南帶方小京

世路

秋風正蕭索旅魂飄泊似懸旌

雲峯縣

小邑傍山麓人煙隔翠微洞深唯菽粟途遠絕

來歸霜栗風前落秋菰雨後肥逕深蔓草遍夕

露浣征衣

望智異山

穹崇高岫遠摩天水色山頭籠薄煙聖女祠前
巢俊鶻靈神峯下迸祥泉經霜红柿明山谷弄
日烏鴉噪野田此是濟羅爭戰境夕陽峯靄翠
相連

水疑
作樹

咸陽

秋風萍泛度咸陽滿眼山川入渺茫螺嶺殘雲
迷客思頭峯老樹惱人腸劉滄風景恨無盡許
渾蒹葭愁復長彷彿似秦關隘險三韓終不守
金湯

見巖寺

古木千年地禪宮何代開竹房僧掛錫松蓋鶴
留胎慰客新煎茗添香自撥灰浮生安足道个
是出塵埃

海印寺

古伽倻裏蔚伽藍千里雲山對面參鳥下庭莎
僧入定狙垂園樹樛

羊矢

方甘書巖碁閣何人

住

即孤雲所遊之處

風伯桐絲偶共談客裏計程仍不

寐夜深蘿月照松龕

客有題于毗盧殿欲識華嚴不思議看取毗盧金殿

上桐孫風伯作檀那四時不絕聲供養

流觴曲水舊址

寺前有舊址榛莽荒廢已為丘壠佳木
竹軒築門基源濯得之乃孤雲遊處

會稽修楔飲蘭亭千古風流事已冥何似孤雲
聚仙侶伽椰洞裏飲忘形

名遊湖南錄後志

余既遊關東又抵湖南喜見老梅疎竹冬梅
猗蘭橘柚秋熟榘栢冬青亦一勝觀也至於
柿栗薑綿海國諸珍乃百濟所賴以富者也
其泉石之勝蓋蔑如也湖則碧骨律湖今已

河北遣人求訪迎歸母有痼疾藥餌必親嘗
母率水漿不入口者三日家無姬侍吳玠素
服飛願與交驩飾名姝遺之飛曰至上有旰
豈大將安樂時却不受玠益敬服少好飲帝
戒之曰卿異時到河朔乃可飲遂絕不飲帝
初為飛營第飛辭曰敵未滅何以家為或問
天下何時太平飛曰文臣不受錢武臣不惜
死天下平矣師每休舍課將士注坡跳壕皆
重鎧習之子雲常習注坡馬躡起而鞭之卒
有取民麻一縷以束芻者立斬以徇卒夜宿

幕屬于鵬等從坐者六人初飛在獄大理寺
丞李若樸何彥猷大理卿薛仁輔並言飛無
罪高俱劾去宗正卿士儂請以百口保飛高
亦劾之竄死建州布衣劉允升上書訟飛冤
下棘寺獄死凡傳成其獄者皆遷轉有差歟
之將上也韓世忠不平詣檜詰其實檜曰飛
子雲與張憲書雖不明其事體莫須有世忠
曰莫須有三字何以服天下時洪皓在金國
中蠟書馳奏以為金人所畏服者惟飛至以
父呼之諸酋聞其死酌酒相賀飛至孝母留

涸矣而所儲者污萊數頃而已且居民之實
物產之富倍蓰關東此百濟之所恃以強而
所驕以亡者也至今民俗強悍見鬪則不能
屈下思欲圖報此百濟之遺風也但

聖化融洽仁澤滂沱海隅蒼生罔不繁庶既富
方穀人人進學變強剛之俗為孝弟廉恥之
域代出良材世輔

王室邊境無虞狼烟頓息此

聖朝至治之一瑞也癸未秋清寒志

梅月堂詩集卷之十一

